

# Khris' Suangphum

Suangphum lepkhitsu loungal suangphum dang kuamah in a lem theita kei, huai suangphum Jesu Khris' ahi - 1 Kor. 3:11

Vol. XVI. No. 40

Private circulation

October 7, 2018

## KHRISTIANTE LEH PIANNI LOP

Sutzopna...

- Jamson

### PIANNI LOP HONG KIPATNA

Bible in pianni lop honna sinsaklou ahiehleh pianni lop kichi koi a kuate apan hong kipan hi diing hiam? Ahong piankhiak dan thukpi leng I theikolkei. Thuuktak in leng I suut tuankei diing. Ahiehhang a hiai toh kisai a thudik I muth-theih bel pianni lop kichi Pathian apan hilou in Pathian neilou milim leh sing-le-suang bia sahkua (pagan) akipan hong kipan ahi. **Judate leh Khrisian masate'n pianni lop kichi ana chingkei uhi. Himahleh hun bangtan hiam nung in kim leh kiang a Pathian neilou namte chiindan leh tawndan la in khrisiante lak ah leng pianni lop kichi ahong kizang hi.**

Tuchiang in pianni lop ching mite'n nidanglai dan in piching lamte pianni lop pen habbawl lou in naupangte a pen bel habbawl mahmah uhi. Tulai a naupangte pianni lop toh kisai ahiehleh German-te chindan akipan kilasawn ahideuh hi. Amau ahiehleh naupang a pianni in thilpiak piak, a duhzawng uh meh huansak leh cake tung a candle a lum a volh dendan chihite ana ching uhi.

Ralph leh Adelin Liton in *'The Lore of Birthdays'* chih laibu agelhna uah pianni lop khangthu hiai bang in ana gelh uhi: **"Greek-te'n mikhempeuh in amau chingtu kha (Pathian kha hilou) kineihvek uh a, a pianni un huai kha in va kithuahpih in va veng hi chih ginna nei uhi."** Amaute chingtu kha in ava veh theihna diing in pianni lop kichi ana ngai poimoh mahmah uhi.

Romte'n leng Greek-te gindan lasawn in amau chingtu a pathiannu in ava kithuahpih a aven theihna diing in pianni lop ana ching uhi. Pianni Chiang a candle det kichi Greek mite apan hon kipan ahi. Huan, **pianni lopna a cake lum (round cake) a zat uh bang leng kha (moon) etsakna a ahieh uh ahi a, a Pathian uh Artemis toh kizawi tawn a ahieh uh leng ahi. Candle det bang leng a mawkna a ahieh uh hilou in a pathiante ua pan deihsakna a ngah theihna diing uh leh naupang pahtawina leh thupina piakna a ahieh uh ahi.**

It leh ngaihte pianni a **"Happy Birthday"** chia wish bawl leng kha gilou apan humbitna dan a zat uh ahi. Huan pianni a athil hih uh tamzawte tuh kha gilou hawlkhiaakna diing leh vang piakna dan a azat uh ahi. Huan, ni leh kha suina (astrology) lam toh leng kisaina neihsak uhi. Huai tuh Pathian zakdah khat ahi (cf. Isai 47:13).

Hiaite apan in Pianni lop I chih tuh Bible sinsakna ahiehleh kha hilou in Pathian neilou dawu bia mite chihdan ahi chih I muthei hi. **Dawu leh kau bia hilou napi a bang ziak a I it leh ngaite pianni a kha gilou hawlkhiaak diing nei bang zen a dawu leh kau bete'n kha gilou hawlkhiaakna dia Happy Birthday a chih bang ua 'Happy Birthday' va chi sese diing I hia? Greek Pathian Artemis belou napi a abemite hih bang a bang ziak a va hihse diing?**

### PATHIAN IN A ZADAH DIAM?

Pian Ni lop kichi Pathian in a zadah diam? Kua hiam khat a pianni a deihsakna ziak a bang hiam thil hoih na hihsak hiam na kipahsak pen Pathian a dia a zakdah huaina diing a om diam? Pianni lop ching mite suanlam bel **"Ka pianni or ka iit leh ngaihte pianni a annkuang lui a Pathian kiang a thum a kipahtu gen bang a asiatna?"** chih ahi. Bang ziak a kum khat a I pianni or I iit leh ngaihte pianni khelkhel kia Pathian kiang a thum a kipahtu gena a zang diing I hia? Pianni kia a thum a kipahtu I gen lehzaw vang lodeuh kha diing hi.

Hiai tuh Pathian thupiak ahi: **"Toupa'n hichin a chi: Namte omdan chingkei unla, vaan a chiamtehnate ziak in leng lunglau samkei un; namte huaite ah a lunglau nak uhi. Mite dante bangmahlou ahi ngal a, Gamnuai ah sing aphuk ua, heipi a mi khutsiam khut in a sep ahi"** (Jeremia 10:2-3).

Pathian in Israelte sal apan a suahtak sak zoh in hiai bang in thuhilhna apia, **"Na omna masa uh Aigupta gam mite hihbang in hihkei unla, kon pilutna diing Kanaan gam mite hih bang in leng hihkei un"** (Levitikas 18:3). A kim leh kiang a mite chindan leh tawndante a amaute kisub-uahlou diing in thu a pia hi (Levitikas 18:24-29). **"Huaiziak in, hiai thilkihhuai na ma ua omte'n a chin bang uh na chin samlouhna diing un leh huai a na kihihnit louhna diing un ka thupiak na zui diing uh ahi. Kei Toupa na Pathian uh ka hi, a chi hi"** (Levitikas 18:30).

Hiaite tuh amite kiang a Pathian thupiak ahi. A mite tuh a kim leh kiang a mite chindan leh tawndan zui diing in a phalkei hi. **Pathian in a zakdah nam dangte (pagan) paidan leh tawndan lak ah sahkua toh kisai a pian ni lop a chiin uh leng telkhalou diing a diam?**

**"Ginglou mite toh kituak loupi a hakkol pawkhawm in omkei un; ... mial leh vak in bang ahia kituahna a neih uh? Belial leh Khris' in leng bang ahia kituahna a nei uh? ahiehkeileh ginglou leh ging mi'n bang ahi tankhawm a neih uh? Milimte leh Pathian tempul in leng bang ahia kituahna a neih uh?"** (2 Korinthte 6:14-15). ☒☒☒

**PLACE OF WORSHIP**

UCI Building,  
Sector - VI. RK Puram,  
New Delhi - 110022  
Phone No. 9953968807

**'KHRIS' SUANGPHUM, A WEEKLY BULLETIN FOR  
THE MEMBERS OF THE CHURCH OF CHRIST, DELHI,  
ON THE FIRST DAY OF THE WEEK'**

Website : [cocdelhi.org](http://cocdelhi.org)

Enkaitu : Jamson Guite | Panpihtu : Kham minthang | Jangthang

**BIBLE CLASS**

**Class**

Adult : Siamkhanmuan  
Junior : Ginsuan & Samuel  
Primary : H. Ngaihlnun & Biaknem  
Beginner : Vungngaihkim & Kimpi

**Teacher**

**Toupani' Thilpiak**

**(30/09/2018) - ₹ 29,451/-**

**BIAKNA PROGRAMME**

**Toupani' 07/10/2018**

Hun-uk thumna : Jangthang  
Lapi : Khamminthang  
Thilpiak : Janglet  
Theihgigena : Kamkhenthang  
Thugen : Thongginlian  
Thumna : Nekkhothang

**BIAKNA PROGRAMME**

**Kiginni 13/10/2018**

Hun-uk thumna : Timothy  
Lapi : Pauminthang  
Thugen : Pauminlun  
Thumna : Nangmuanlal

Amun: UCI Building.  
Sector - 6, RK Puram

**BIAKNA PROGRAMME**

**Toupani' 14/10/2018**

Hun-uk thumna : Chinsuanmung  
Lapi : Siamkhanmuan  
Thilpiak : Jamson  
Theihgigena : Kam James  
Thugen : Lang James  
Thumna : Thangzalam

**CHURCH OF CHRIST, DELHI  
FINANCIAL REPORT,**

**September - 2018**

1. Opening bal.	2,29,923.32
2. Total Recv.	1,38,326.00
3. Grand Total	3,16,977.32
4. Total Expdt.	1,05,049.00
5. Closing Bal.	2,63,200.32

**THOUGHT OF THE WEEK**

**TOUPA AW, KA HINNA UH THUNUNNA LEH, KA  
TUNUNG DIING UA THUNEIHNA NEI; KUAMAH KA  
OMKEI UH CHIH KA THEI HI (JEREMIA 10:23).**

**THU TUAMTUAM**

**ZIN LEH TUNG**

☚ Damlou ki-enkol diing a Imphal lam ana zuan unaunu Brenda Hoihkim leng kal paita Toupani in damtak damtak in Delhi hongtung kikhawnta. Damna hoihzaw toh ahong tuntheih ziak in i kikap uh.

☚ Unaunu Luanniang damlouhna toh kisai a Lamka lam a zin unaupa Kamkhenthang, unaupa Thangzalam leh unaunu Chiingaihkim-te kal paita sepnawnni in damtak in Delhi hongtung kikhawnta uhi.

**DAMLLOU**

☚ Unaupa Nangmuanlal sungkhoh ziak in kal paita biaknate ah hongtel zoulou hi. Tunbel Pathian panpihna toh damsiantga hi.

☚ Master Kamthiansang leh baby Mangmuansiam-te leng hii-tang khosik ziak in damlou in ana om uh. Tunbel Pathian panpihna toh a hoihnam hita uh.

**THU TUAMTUAM**

**PAWTKHAWMNA OM**

☚ Kal paita sepnawnni in unaupa Kamkhenthang-te inn ah Saptuamte'n pawtkhawmna kinei hi. Unau hunkhop kipaikhawm a, thumna leh hasotna nei in hun kizang hi.

**MEETING OM**

☚ Zan kiginni in unaupa Chinpau inn ah Saptuam Business meeting neih in om hi. Hiai hun ah maban a Gospel meet diing toh kisai leh thu poimoh hunkhop genkhawm in om.

**SUT DIA PIAK HITA**

☚ Delhi a Saptuamten tanchin-hoih puanzakna diing tract i bawl un masawn zel in thulu nga sutsak diing in press ah piak hinawnta hi. Tukul sung in zou diing uhi.

**ESSAY COMPETITION**

☚ Thupi kipiata zang in tuailaite'n essay gelh pattheih hita. Tuailaite ki-siit omlou in gelhvek ni hang.

**BRING THEM TO JESUS**

After studying the New Testament for a number of years, a man found that forty people who had the same disease were healed by Jesus. Of this number, thirty-four were taken to Him by friends, or He was taken to them. Only six of that number found their way to Jesus without assistance.

Consider the number today who have been suffering spiritual sickness, and have come to Jesus in obedience. How many were brought by families or friends? How many were invited by folks they met during a normal day's activities? How many found their way to the truth without assistance? Statistics show that less than 2% of members of the Church came on their own. The other 98+% were invited and encouraged to attend.

With this realization, look for opportunities to invite everyone you contact to worship, encouraging them to learn God's will and become Christians. Only in this way will we fulfill our part of the great commission to take the gospel to the world.  
- John Wright